

ta mōjai atklāja pīmiņas zeimi – granita stobu ar malnu plōksni: *Kārsavu un apkārtni atbrīvoja Latgales partizānu pulks 1920. gada janvārī*. 1940. godā, padūmu okupācijas laikā, plōksni nūjēme.

Trešos atmūdas godūs Malnovas pogosts restaurēja pīminekli Bozovas kopūs. Kūpš 1989. goda 11. novembra šymūs Brōļu kopūs nūteik Lōčplēša diņas pasōkumi Kōrsovas nūvodā.

Jōns Būmanis
(Kegums)

SABĪDRISKĒS KŌRTEIBAS UZTURĒŠONA RUDZĀTU POGOSTĀ

Pyrms Latvijas Republikas nūdybynōšonas pogosta teritorijā – taipat kai vysā Latvijā – dorbōjōs vīnōti cariskōs Krīvijas lykumi. Kūpš 1819. goda vysa vaļsts policija beja pakļauta Īkšlītu ministrijai, kuras sastōvā itylpa ari politiskō policija (žandarmi). Zynoms, ka nikajds sabīdriskajis kōrteibas uzturātōjs pogostā iz vītas nadzeivōja, par kōrteibu ryupējōs gon Stērnīnes, gon Preiļu pogosta uradniks.

1919. godā Rudzātu pogosta teritorija atsaroda frontes jūslā. Eleonorvīles nūvodu tymā laikā apkolpōja Viļānu apriņķa Preiļu milicija, kurā strōdōja daži rudzātņiki: Ivans Paukovs, Grigorijš Paukovs, Marks Varlamovs (dzeivōja Aglyunā) – vysī nu Mōlakolna cīma, un Adrijans Volkovs (nu Razryvkas). Nasaverūt iz jūs darbeibu lelinīku milicijā, Latvijas Republikas (LR) godūs pret jim nikajdas represijas nanūtyka. (Bet pēc Ūtrō pasaules kara brōli Paukovi beja aktivi *streboki*, un nu četrim brōlim trejs nūšōve pogosta partizani.) 1919. godā lelinīku milicijas pōrstōvi dorbōjōs ar lykumeigom un nalykumeigom metodem. Komunistiskūs lobumus latgališi izbaudeja pylvnūs apmārūs.

1919. goda martā tyka nūdybynōts Viļānu apriņķis, kurā īkļauņ 8 pogostus: nu Daugavpīļš apriņķa – Preiļu, nu Rēzeknes apriņķa – Borkovas, Bykovas, Domopoles, Gaļānu, Stērnīnes, Varakļānu un Viļānu pogostu. Sōkumā pogostūs teik pīļauta zynoma pašvaļdeibas darbeiba ar vītejūs īdzeivō-

tōju vālātu komiteju priķšgolā, bet vālōk golvonī nūteicēji ir 2–3 komunisti. Tai kai lelinīkim nabeja nikajdu leidzekļu un monta, tod jī reikoņ rekvizicijas un laupeišonas. Vyspyrms pīļneibā teik izlaupeiti muižu īpašumi, vālōk rekvizicijōs cīš ari zemniki. Arhivu materialūs atrūnamas ziņas, ka Rudzātu pogosta teritorijā (tūlaik Stērnīnes un Preiļu pog.) un cytur nūteik plašas rekvizicijas (5 reizes!), teik atjimti zyrgi un cyti mōjlūpi. Sōkumā kotrai giminei atstōja vīnu gūvi, bet vālōk tikai vīnu gūvi iz 5 cylvākim. Teik rekvizāta labeiba, pōrtyka, sadzeives priķsmati, trauki, mebeles u. c.

1919. goda janvarī Pōrtykas komisariats izdūd dekretu (nr. 2), kas paredz nu kotras desetinas zemes nūdūt 2 pudus (36 kg) labeibas. Dekretu paroksta P. Stučka un R. Eihe. Lai uzturātu un paādynōtu padūmu varas veirus, milicijas pōrstōvi reikoņ bižus reidus pa cīmim pōrtykas meklējumūs. Īdzeivōtōji biži slēpe sovus lūpus mežūs, tōdēļ miliči reikoņ mežu »kemmēšonas«.

Par tūs dīnu nūtykumim pastōsta oculicineica Monika Grišāne (dz. Turkopule): »Es beju moza meitine. Maņ lūti īsaspīde atmiņā, kai muna tāva sātā *Ausmās* (Kamčatkā) sabrauce lelinīku miliči un apšōve vysus mōjdzeivīnikus, sakrōve tūs vazumā un aizvede. Vyss beja vīnūs ašņūs.«

Pēc Pymō pasaules kara vaļdeja nabadzeiba. Kara godūs daudzi par sovas eksistences pamatim beja pīroduši uzskateit laupeišonas un pat slapkaveibas. Apriņķa mežūs un pūrūs, laupeidami un terorizādami īdzeivōtōjus, slapstējōs Sorkonōs armijas dezertiri.

Reizē ar Rēzeknes apriņķa policijas kanceleju tyka izveidōti divi policijas īcirkņi – Rēzeknē un Viļānūs. Pymajā īcirknī itylpa ostoni pogosti, ūtrajā – deveni, t. sk. ari Stērnīnes pogosts, nu kura vālōk atdaleja Rudzātu pogostu. Kotrā pogostā apriņķa priķšņiks īcēle vīnu policijas vacōkū kōrteibņiku un jaunōkūs kōrteibņikus atbylstūši pogostu lelumam. Kotrā pogostā ari tyka dybynōtas aizsorgu organizācijas, kas turpmōkajūs godūs ir golvonajis policijas bolsts kōrteibas uzturēšonā, laupeitōju un zagļu keršonā un arestēšonā, kai ari dažaidu sabīdriskūs pasōkumu organizēšonā. Sōkumā kotrā cīmā nūzeimēja dežurāntus cīmu apsorgōšonai, sovas saimesteibas apsorgōja poši īdzeivōtōji.

Pēc lelinīku padzeišanas (1920) kārteības uzturēšanai Rudzātu pogostā tyka izveidots policijas iecirknis. Kai pyrmais vacokais kārteibniks strōdoj Pīters Pūdņiks nu Lyuzenīkim.

Tai kai Rudzātu pogosta teritorija atsarūn pūru un mežu vydā – nūst nu lelajim celim, tod arhiva materialūs losams golvonūkōrt par atsevišķom zōdzeibom. Pōrsvorā teik zōgti zyrgi, ari cyti mōjlūpi un dažaidas montas. Lai izbeigtu voi vysmoz īrūbežōtu zyrgu zagšonu, 1925. godā Latvijā īsōkta zyrgu registracija. Ari Rudzātu pogostā kotram zemnikam teik izsnāgta pase jō zrgam.

Augusts Kurčins stōsta: »Pret zyrgu zagšonu beja jōsaceina vysu laiku, jōbyut mūdrim, sevišķi timsajōs un garajōs rudīņa naktīs, kai ari pīguļas laikā. Pīguļā zyrgim iz priķškōjom lyka specialus aizslādzamus pynaklus, koklā kōre zvaneņus. Zyrgu staļa durovas vīnmār nūslēdze ar pamateigu plokonu, garu dzelzs stīni vysā durovu plotumā, ar īpašu slēdzeni. Nūzūgūt zyrgu, zagli tū vede iz attōlōkajim tērgim, ari iz Leitovu. Sova tērgā atrostō zyrga pīdareibu zemnikam beja gryuši pīrōdeit.«

Beja gadejums, kod kaidam Kurčīnu cīma zemnikam sovu 1916. godā nūzōgtū zyrgu tūmār izadeve atgyut. Monikas Kurčīnas tāvam pīderējis skaists sērms četrgadeigs kumeļš Dalderis. Beidamīs nu tō nūzagšonas, saiminīks lyudzis slovonu ōrstu Ivansonu nu Leivōnim pīlītōt vacvacū tāvu pajēmīni: zyrgam iz gūrna aiz ōdas īšyut teiri nūmozgōtu cara laika sudobra rubli, kū tautā sauce par *nikolašku*. Pēc kaida laika vālā rudīnī zyrgu tūmār nūzoga. Nūskaidrōja, ka zyrgs aizdzeits iz Ļaudonas mīsta pusi, kas ir 70 km nu Kurčīnu cīma. (Ļaudonas mīsta tērgs bejis slovons ar zyrgu tērgōšonu.) Monikas tāvs devīs iz Ļaudonu un tī patīši atradis sovu zyrgu, tyuleit gōjis pi policista un pīrōdejis, ka tys ir jō zyrgs. Jam bejuši divi pīrōdejumi: pyrmais – zyrgs atsasauce iz sovu vōrdu, ūtrais – zyrgam īšyutō moneta. Zagli tykuši arestāti, bet īpašnīks ar laimeigi atgyutū zyrgu atsagrīzis sātā.

Policijai beja jōuzrauga dažaidu organizaciju darbeiba, klaušu pīldeišona, ceļu uzturēšona un kūpšona, kai ari jōapkarōj zagšona – kai vaļsts īpašumā (mežs), tai privatā. Pīmāram, pogostā beja sešas kalēju darbneicas: beja jōsaver, lai tī nakolotu noglas nu telegrafu vodim. Jōuzrauga sabīdriskō kārteiba:

jōapkarōj dzeršona, dažaidu spirtōtu dzērīņu gatavōšona mōjas kārteibā. Prūtams, kārteibu pogostā paleidzēja uzturēt ari aizsorgi. Divdasmytō godusymta 20. un 30. godūs pogostā fiksāti dažaidi nagadejumi.

Nagadejumūs būjā gōjuši rudzātņiki: 1927. godā Uljanu Rodionovu (1903) nūšper zibiņš Brīslā, 192?. – Driksnas nūšper zibiņš Bryuverūs, 1930. – Pīters Skutelis (1866) – nūšauts Sprīdūs, 1930. – Aloīzs Sola (1902), Jugana (1908) un Anastasija it būjā, 1931. – Aloīzs Eriņš (1913) sadag dzārumā Būmaņūs, 1932. – Jōņs Saldatāns (1875, nu Pelšim) nūšleikst Ošas upē pi Pundurim, 1934. – Ontons Vilcāns (1895, nu Būmanim) nūšleikst Dubnas upē, 1936. – Jōņs Ližbovskis (1881) un Stepons Pudulis (1866) nūsaindej okā Soltupē, 1937. – Kazimīrs Šīleiko (18??) nūšleikst lynu mōrkā Rubenkolnā, 1938. – Aloīzs Sovāns (1866) tragiski miris Rudzātu cīmā, 1938. – Pīters Batarags (1900, nu Tōminim) un Pīters Bulmeo (Soltupē, H. Ližbovskas mōjōs) it būjā, 1939. – Jōņs Kassalietis (1904, nu Būmanim) lauž koklu, iz golvas nūkreitūt nu sīna vazuma, 1940. – Genovefa Sovāne (1916) nūsysta ar dakšom māslu tolkā Rudzātu cīmā.

Ir ari atsevišķi godi LR laikā, kod pogostā nav registrāts nīvīns pōrkōpums.

Padūmu okupācijas laikā 1940.–1941. godā pogostu policijas darbinīkus īskaita milicijas dinastā, pēc tam atbreivoj nu dorba kai nautzycamus jaunajai varai, vālōk arestej un nūti-soj, pīmāram, Kārli Grīnfeldu u. c. LPSR teik nūdybynōts policijas paleigdinasts (PD), tymā īsaistūt komunistim uztycamas personas. Iz 1000 īdzeivōtōjim paredz 10 darbinīkus, iz 1000–2000 īdzeivōtōjim – 15 un iz 3000–5000 īdzeivōtōjim – 20 darbinīkus. Par PD darbinīkim varēja byut vacumā nu 21 leidz 60 godim. Paleigdinastā samoksa – Ls 5 par dīnnakti, pīlsātōs – vairōk. Darbinīkim beja jōnosoj iz kreisōs rūkas vērs alkyu-ņa 6 cm plota sorkona lenta ar burtim PD boltā krōsā. (Itūs burtu dēļ tautas mutē tī ōtri vīn tyka nūkristeiti par – *Pyut dy..*) Tī darbinīki aktīvi pīsadaleja īdzeivōtōju izsekōšonā, arestūs un deportacijā.

Pēc vōcu īnōkšonas teik izveidōtas pogostūs pošaizsardzeibas grupas (PPG). Rudzātu pogostā grupu vadeja īcirkņa poli-

cists: Donats Peisinieks, Svencis u. c. Pēc atkārtotās padūmu okupācijas pogostā, taipat kai vysā Latvijā, otkon sōka dorbō-tīs represivūs organu darbinīki.

Pošlaik (2013. godā) pogostā sova vītejō policista nav, pogostu apkolpoj Leivōnu īcirkņa policists, kurs pogostā nadzeivoj, bet īsarūn pēc īzsaukuma voi iz pōrbaudem.

Policijas darbinīki Rudzātu pogostā (1920–1940)



Izidors Eiduks

Eiduks Izidors (1884–19??) dzimis Atašines pogostā, beidzis pilsātas skūlu. Precējis: sīva Sofija (dz. Dobkeviča, 1897–19??), meitas – Sofija (1915), Marija (1917) un Aleksandra (1920). Dorbu policijā sōcis Daugavpilī (1910). 1912. godā Izidors Eiduks sajēmis apbolvōjumu – medaļu *Romanovu 300 godu jubileja*.

Juku laikūs (1917–1919 pavasars) slēpēs tāva sātā. Īvālāts 1919. goda septembrī par Atašines aizsorgu nūdaļas priekšniku. Strōdoj Rēzeknes apriņķī par vacōkū policistu: Kaunatas, Maltas un Dagdas pogostā, vālōk ir policijas vacō-

kais kōrteibnīks (1920–1927). Pēc tam pōrcalts iz Rudzātu pogostu taidā pošā omotā (1927–1935). Leidz aizišonai pensijā (1936) dorbu turpynoj Atašines pogostā.

Grīnfelds Kārlis (1895–1942) dzimis Minskas apgobolā. Sīva – Lidija (1898–19??), meitas – Austrā (1920) un Zelma (1923), dāls Teodors (1930). Nu 1915. goda dīnasts cara armijā, flotē. Pēc demobilizēšonōs atsagrīž Latvijā, Aizkaļnes pogosta Jasmuižā, kur tāvs strōdoj par muižas pōrvaldniku.

1922. godā K. Grīnfelds īgyust Latvijas pīlsōneibu un strōdoj Aizkaļnes pogosta kancelejā, tod (1925) ir policijas kōrteibnīks.

1938.–1940. godā – policijas kōrteibnīks Rudzātu pogostā. Pēc tam pōrsaceļ iz dzeivi Reigā un strōdoj pusūtru mēnesi Kriminālpolicijas (milicijas) nūdaļā par īnspektoru. Teik atstōdynōts kai nautzycams pastōvūšajai varai un veic dažaidus ekspreša dorbus.

Apbolvōts ar Treju Zvaigžņu ordeņa II pakōpes Gūda zeimi (1935), sajēmis Daugavpilš aprīnka priekšnika pateiceibu par saprōteigu un energisku reiceibu, treju mēnešu laikā atklōjūt 12 zōdzeibas Preiļu pogostā (1936); gratifikaciju (Ls 60) par energisku un apkēreigu reiceibu, atklōjūt zagļu recidivistu bandu pīcu cylvāku sastōvā; grafitikaciju (Ls 10) par Annai Bataragai pīdarūšō zalta pulkstiņa zōdzeibas atklōšonu un vaineigō aizturēšonu (1939).

1941. goda 21. majā Grīnfeldu arestej un īslūga Reigas Centrālciūmā, kur jū pratynoj čekisti E. Lagzdīnš, Matisons u. c. Grīnfelds līcynoj, ka jō darbeibas laikā Preiļūs ticis apcītynōts (15. 05. 1934) komunist Lazars Selevans un bejuši vairōki īdzeivōtōji, nūskaņōti pret Latvijas valsti. Rudzātu pogosta Brūveru cīmā Ontona Brūvera tāva Seimaņa (1880–1930) mōju krateišonās laikā atroostas pretvalstiskas proklamācijas, krateišonā pīsadalejis aizsorgs Ivbulis un policisti E. Budže, V. Vanags; pēc tam krateišona veikta vēļ vairōkōs cytōs cīma mōjōs.

Kārļa Grīnfelda kriminallītas dokumenti parōda, ka čeka apsyudz jū nūzygumā pret padūmu īkōrtu, jo »jys naideigi nūskaņōts pret strōdnīku revolucionarū kusteibu kūpš 1925. goda, kod sōc strōdōt policijā, vōc ziņas par revolucionari nūskaņōtim pīlsōnim, 1939. godā pīsadola Rudzātu jaunīšu grupas arestā un ir bejis kontrrevolucionarōs Demokratiskōs zemnīku partijas un Latgolas Kristeigūs zemnīku partijas bīdrs«. Kārlim Grīnfeldam teik pīsprīsts augstōkais sūda mārs, kas īzpīldeits Krīvijā, Astrahaņas ciūmā 1942. goda 16. martā.

Leikucs Ontons (1897–19??) dzimis Preiļu pogostā. Sīva – Franciska (dz. Driveneice), meitas: Lidija Valentīna (1927) un Olga (1928), dāls Andrejs (1935). Dīnūt Latvijas armijā, pylda rakstveža pīnōkumus. Strōdojis Rēzeknes apriņķa policijā nu 1923. goda kai jaunōkais policists, pēc tam bejis vacōkais policijas kōrteibnīks Rudzātu pogostā (1923–1927), vālōk strōdoj Krustpilī un Pļaviņās.



Dominiks Leitāns

Leitāns Dominiks (1901–19??) dzimis Rudzātu pogostā. Sīva – Anna (dz. Grīna, 1906, Krustpīlī), dāli – Leons (1926), Heinrihs (1933) un Edmunds (1935), meitas – Eleonora (1930), Anna (1932) un Veneranda (1938). Strādojis Rudzātu pog. kancelejā (1921), pēc tam Daugavpils Policijas pārvaldē. Pēc dinasta armijā strādāj Rēzeknes policijas kancelejā (1926–1927), tod Preiļu policijas iecirknī (leidz 27. 04. 1938). Teik pārcelts iz Ludzas Policijas pārvaldi par darbvedi (leidz 27. 04. 1939). Pēc tam strādāj Daugavpils apr. Aglyunā, 4. iecirknī (leidz 8. 04.

1940), tūlaik ir Preiļu policijas iecirkņa darbveds (leidz 1. 05. 1940). Vācu okupācijas laikā strādāj otkon Preiļu policijas iecirknī par darbvedi.

Dominiks Leitāns teik arestāts 1946. goda 26. janvārī. Krasnojarskas apg. NKVD karaspāka KT nūtišoj jū iz 10+5 godim. Sūdu jys izciš Kazahijas PSR lobōšonas dorbu nūmetnē, atbreivōts 1954. goda jūli. Reabilitāts 1992. goda 7. decembrī.

Mednis Aleksandrs (1913–19??) dzimis Rudzātu pogosta Pelēcares *Sidrabūs*. Beidzis Rudzātu pamatskūlu un Daugavpils Dzelzceļa tehnikumu. Dinējis Latvijas armijā



Aleksandrs Mednis

(1936–1937). Nu 1938. goda augusta strādāj Reigā par policijas jaunōkū kōrteibniku, vōcu okupācijas godūs ir kriminaluzraugs. Arestāts 1945. goda 26. martā. Nūtišōts iz 10+5 godim un nūsyuteits iz Noriļskas lāgeri Krivijā (1945–1954), pēc tam atsarūn izsyutejumā Krasnojarskas nūvodā. Atbreivōts 1955. goda 25. oktobrī.

Pastars Bronislavs (1902–19??) dzimis Rudzātu pogosta Pelēcarē. Aizsorgs, Rudzātu aizsorgu nūdaļas sporta pulceņa vadeitōjs (1930–1934). Valsts apvārsuma laikā 1934. goda majā kūpā ar septenim Rudzātu nūdaļas aizsorgim teik komandāts iz Reigu, kur apsorgoj pulvera fabriku u. c. objektus. Pēc tam Pastars pōrīt policijas dinastā un strādāj Krōslovā. Paaugstynōts par vacōkū policistu (1936), turpynoј dorbu Skaistas pogostā, kur jys apcītynoј (1937) pagreidnīku Peļniku un teik apbolvōts. Vōcu okupācijas laikā divus godus voda Skaistas policijas paleigdinastu, pēc tam pōrsaceļ iz Jēkabpilš aprinķi un ir mežsorgs Saukas mežniecībā, dzeivoј Lonskas cīma *Ūbeļūs*.




Bronislavs Pastars

Arestāts 1951. goda 21. augustā. Pratynōšonā līcynoј, ka jō brōls Jūlijs Pastars Rudzātu pogostā 1919. godā veicis revolucionarū darbeibu un ka jū nūšōve nacionali partizani 1945. godā. Bronislavu Pastaru nūtišoj 1954. goda 27. decembrī iz 8+5 godim ar monta konfiskaciju. Sprīdums nav pōrsyudzams. Sūdu izciš Vorkutas lāgerī, atbreivōts 1956. goda 23. jūnī.

Pintāns Aloizs (1916–1949) dzimis Rudzātu pogosta Pintānu c. *Augļūs*. Beidzis Rudzātu sešklaseigū pamatskūlu. Dinējis Latvijas armijā, pēc tam mōcōs policistu kursūs un 1939.–1940. godā strādāj policijā Reigā. Krīvu okupācijas laikā (1940–1941) ir myuriniks. 1942.–1944. godā strādāj Skrīveru

policijas iecirknī, mobilizāts legionārā. Dorbojās nacionalajās partizanās (Alis) Arvīda Grozberga grupā, kritis 1949. gada 25. septembrī Ogres rajonā.

Pūdņiks Pīters (1896–1998). Rudzātu pogosta policijas vacōkais kōrteibnīks 1921. godā. Vālōk strōdoj Atašīnes pogostā leidz štatū samoznōšonai (7. 02. 1921).



Donats Pudulis

jaunōkū uzraugu Reigas Apbolvōts ar Jura Krysta 3. šķiru (I pasaules kara laikā) un Latvijas Kara ordeņa 3. šķiru (1923).

Lāmumu par gīmines arestu paroksta 1941. goda 10. jūnī čekīstī: leitnants Doncovs un kapteinš Cinis. Gīmini arestej 14. jūnā reitā, arestā un dzeivūkļa krasteišonā pīsadola čekīstī: K. Oščenkovs (vadeitōjs), Sokolovs, Mitročenko, Morens. Donatu Puduli izsyuta iz Kirovas apg. Vjatlaga lāgerī, kur jū pratyno un aizmuguriski nūtīsoj (19. 01. 1942) iz 10 godim lobōšonas dorbu nūmetnē. Pudulis mērst 1942. goda 26. februārī, mēršonas aktā kai nōves cālūns mynāts elpōšonas ceļu īkaisums.

Puduļa gīmini nu Šķirōtovas stacijas aizvad iz Tomskas apgobola Parabellas rajonu. Jaunōkais dāls Leonīds izsyuteišonas

Pudulis Donats (1894–1942) dzimis Rudzātu (tagad Rožupes) pogosta Priedaukā Jura un Agneses Puduļu gīminē. Sīva Helēna (1915–1999, paglobōta Ogres kopsātā), dāli – Vitālijs (1935) un Leonīds (1940–1987), meita Astrīda (1940–1942). Beidzis Daugavpils pilsātas skūlu. Pirmō pasaules kara laikā karoj cara armijā Francijā, pēc tam breivprōteigi ceinōs Latvijas armijā (kūpš 7. 04. 1919).

Strōdoj Vōrkovas pog. pašvaldeībā, tod ir policijas dīnastā Rudzātu pogostā (1925–1931) un dorbojās Rudzātu aizsorgu nūdaļā. Turpmōk strōdoj par

Centralcītumā (1934–1940).

laikā ir pi rodīm, tai jys palīk Latvijā. Helēna Pudule ilgus godus strōdoj kolhozā, par lobu dorbu izapeļnejūt stahanovītes nūsaukumu un sajam Gūda rokstu. Meita Astrīda nūmērst nu boda (11. 11. 1942). Dāls Vitālijs atsagrīž Latvijā 1946. goda jūnī, jū īsauc SA – tai jam laimejās izavaireit nu atkōrtōtas izsyuteišonas.

Puduļa sīva Helēna pōrsaceļ 1947. godā iz Parabellas rajona centru, kur strōdoj veļas mozgōtovā. Sibīrijā jai pīdzymst meita Marija (1948–1998, paglobōta Ogres kopsātā). Iz vairōk-kōrtejim Helēnas lyugumim dažaidom instancem jei vīnmār sajam atbīldi, ka beistamu elementu atsagrīžšona Latvijā nav vālama. Puduļu gīmini nu specuzskaites nūjam tikai 1956. goda jūnī, un tai beidzūt ļauts atsagrīzt Latvijā.

Ruce Ansis (1888–19??) dzimis Aizputē. Dīnējis Latvijas armijā. Kūpš 1922. goda strōdoj Daugavpils apriņķī (dažaidōs vītōs): sōkumā kai jaunōkais, vālōk – vacōkais policijas kōrteibnīks. Pēc tam strōdoj Rudzātu policijas iecirknī (1935–1938) un ir aizsorgu nūdaļas bīdrs. Par slapkaveības atklōšonu (1922–1923) sajam pateiceibu, un izsnāgta gratifikacija (500 un 700 rbļ.) Vōcu laikā (1943) ir policijas vacōkais kōrteibnīks Indras pog. policijas iecirknī.

Rudzāts Pīters (1916–19??) dzimis Rudzātu pogosta Vylcānūs. Beidzis Rudzātu 6-kla-seigū pamatskūlu un Leivōnu komercskūlu. Dīnējis Latvijas armijā (1938–1939). Pījimts par 2. šķiras kōrteibnīku Reigā, paaugstynōts omotā 1940. godā, bet padūmu okupācijas laikā nu dorba atbreivōts (18. 09. 1940). Mobilizāts Latvišu legionārā. Ceinejis kurelišu vīneībā, ceinōs īvainōts. Nūklyust angļu zonā, emigrējis uz Kanadu (Kvebeka).

Rutkovskis Heronims (1903–1936, paglobōts Preiļu kopsātā). Pīdzyma Atašīnes muižā, vālōk dzeivoj Rudzātu



Heronims Rutkovskis

muižā. Beidzis Belostokas gimnaziju Pūlijā, mōcejis Sanktpēterburgā.

Sīva – Leontīne (dz. Kārklīņa), dāls Gvidons Oltons (1927). Strōdoj par policijas jaunokū kōrteibnīku Preiļu ģirknī (1921–1925), pēc tam ir policijas kancelejas ģrednis (leidz 1930), vālōk – dorbveds Jaunlatgales policijas ģirknī (1930–1931). Tod pōrīt dorbā iz Preiļu piļsātas mīrtīsu par tīsneša paleigu, kur strōdoj leidz myuža beigom.

Pēc veira nōves sīva Leontīne apsaprecej ūtru reizi un, bāgūt nu sorkonajom brīsmom, nūkļyust Vōcijā, pēc tam dūdās iz Austrāliju (1951).



Ignats Rutkovskis

Rutkovskis Ignats (1901–1975, paglobōts Daugavpiļs kopūs) dzimis Rudzātu pogostā Boleslava (1864–1943) un Bronislavas (1874–1957) Rutkovsku ģiminē. Obi paglobōti Rudzātu kopsātā. Precējis, sīva Jekaterina (1905–19??), meitas – Vera (1923) un Ženija (1929). Vērsinīks, breivprōteigais Judeniča armijā, pēc tam Latvijas armijas sastōvā ceinōs pret lelinīkim. Strōdōjis Rēzeknes apr. policijā par kōrteibnīku, 1922.–1940. godā ir vērsdinastā Latvijas armijā. Pēc krīvu okupācijas 1940. godā īskai-teits Sorkonajā armijā.

Arestāts 1941. goda 14. junī, izsyuteits iz Krasnojarskas apgobola Noriļskas lāgeri. Aresta ģmeslis

nav uzrōdeits. Vairōkkōrt pratynōts, nūtīsōts iz 10 godim. Caurskotūt I. Rutkovska lītu 1965. godā, Baltijas Kara apgobola prokuratura konstatej, ka Seviškōs apsprīdes lāmums atceļams pīrōdejumu tryukuma dēļ un sūdameiba pōrtraucama. Pēc atsagrīzšonas Latvijā Rutkovskis strōdoj celtnīceībā.

Veiss Kārlis (1900–19??) dzimis Reigā. Beidzis Reigas vōcu Pītera-Dōma bazneicas skūlu. Ceinejis pret Bermontu un leli-

nīkim. Paaugstynōts par dižkareivi. Apbolvōts 1934. godā ar Latvijas Aizsardzeibas bīdreibas ģūda zeimi – bronzas medaļu par nūpalnim vaļsts atjau-nōšonas dorbā. Strōdōjis Rēzeknes aprīnka policijā (1921–1923), t. sk. Rudzātu pogosta policijā.

Zesers Pīters (1901–1931, paglobōts Steķu luterāņu kopsātā). Dzimis Rudzātu pogosta *Gaileišūs* mežsorga Andža (1869–1946) un Īvas (1872–1936) Zeseru ģiminē. Precējis (1927): sīva Emīlija (dz. Meņģele, 1905–1993, Steķu kopi), meita Henrija Elste (1930, dzeivoj Reigā). Dīnējis Latvijas armijā, pēc tam strōdoj Preiļu policijas ģirknī (1921), vālōk nailgi – Rudzātu pogosta kancelejā. Saimnīkoj tāva sātā. Miris tragiski.

Beata Krajevskā (Teneisa) (Reiga)

LATGALĪTES PĪMIŅAI

Rodu ģimines albumā ģraudzeju Helenas Laurinovičas-Pronevskas (1898–1969) fotografiju. Ar jōs rūku attāla ūtrajā pusē raksteits vīns vōrds – Latgalīte. Fotografija varātu byut topuse pagōjušō ģodusymta 20. ģodu sōkumā, pēc atsagrīzšonas nu Krīvijas dzimtinē.



Pīters Zesers (l. p.) ar Preiļu ģirkņa policistim, 1921 ģods